




U
47
BIBLIOTHEQUE
UNIVERSITE

DRÔITS
ET ACTES
DE L'UNIVERSITE
SUR LA
DOCTRINE

BIBLIOTHEQUE
DE
L'UNIVERSITE





Table

des ouvrages
Contenus dans ce Volume

1. Sententia Dominorum Deputatorum, quibus sacra facult. Theol. Paris. curam commisit observandi ea omnia quae Spectant approbationes librorum, et cautiones quae in eis concedendas debent adhiberi.
2. Arrêts de la cour de Parlement, rendus les 24 Juillet et 1^{er} Aoust 1626. touchant le nombre de Docteurs que les religieux mendiants peuvent députer pour la faculté de Théologie de Paris.
3. Arrêt du Parlement du 11 Aout 1646 confirmatif des arrêts du 24 J^{uillet} = 1^{er} Aout 1626.
4. Breve instruction sur ce qui s'en parle dans les assemblées de la facult. de Théol. 1^{er} 7^{bre} = 18^{bre} = 49^{bre} 1648.
5. Arrêt de la cour de Parlem. de Par. donné contradictoirement en faveur des Docteurs mendiants en Vertu des Arrêts 1552, 1621, 1626, 1648 et 1649.
6. Lettre d'un ecclésiastique à l'auteur d'un écrit intitulé: Réponse au Directeur inconnu.
7. Factum pour les Supérieurs et boursiers Théologiens des collèges de l'Université de Paris, contre les Docteurs profers. en Théologie des collèges de Navarre et de Sorbonne.
8. Montempuy. (J.) Oratio habita in comitis generalibus universitatis 22 Juin 1716.
9. idem. Oratio habita 1716 22 Juin. (le latin seulement.)
10. Acta universitatis Studii Parisiensis (voir le N^o a. n. 50.)
11. Declaratio Universitatis Studii Paris. super appellatione ad futurum concilium generale, quam 5 8^{bre} = 1718 interpos. a constitutione Pontif. quae incipit, Unigenitus Dei filius Romae 6. Sept. 1713 et a literis Pontif. Romae all. 6 7^{bre} = 1718.
12. Lettre des Irlandais et des Arabes à l'Univers. d'Angers, sur son décret du 3 X^{bre} = 1722.

[Faint, illegible text, likely bleed-through from the reverse side of the page.]



UNIVERSITÉS DE PARIS
BIBLIOTHÈQUE DE LA SORBONNE
13, RUE DE LA SORBONNE - 75257 PARIS CEDEX 05
TEL : 01 40 46 30 27 - FAX : 01 40 46 30 44

Inv.

SIGB

Sibil

SU


Cote

U 47 in-4

1154273493







H. F. à. u. 47.⁴

4

*Brefue Instruction sur ce qui s'est passé dans les
Assemblées de la Faculté de Theologie des 1.
Septemb. 1. Octobre & 4. Nouemb. 1648.*

On a com-
mencé d'im-
primer cette feuil-
le le 17. Nouëb.



L'on auroit esté bien aise de pouuoir taire & dissimu-
ler les choses qui se sont passées dans les Assemblées de la
Faculté de Theologie du 1. Octobre & 4. Novembre der-
niers, commel'on auoit fait jusqu'à present le procez ver-
bal de celle du 1. Septembre, encore qu'on eût publié l'Ar-
rest qui l'auoit suiui: Mais on s'est trouué obligé d'im-
primer les procès verbaux & la Requête présentée à la Cham-
bres des Vacations, afin de faire connoistre le procedé des
Docteurs Mendians & autres qui resistent avec eux à l'e-
xecution des Arrests de la Cour; & ensemble d'oster par
des pieces authentiques les mauuaises impressions, que
pourroient auoir données à quelques personnes, plusieurs
discours qui se font tous les jours au préjudice de la ve-
rité & de ceux qui gardent l'ordre & la moderation ne-
cessaires dans la conduite des affaires importantes qu'ils
ont entreprises.

Procez verbal concernant l'Assemblée du premier Septembre.

A VIOVR D'HVY datte des presentes, au mandement
de venerables & scientifiques personnes Maistres Ray-
mond de Roux & Louïs de Saint Amour, Docteurs en
Theologie de la Maison & Societé de Sorbonne, y demeurans.
Les Notaires Gardes-notes du Roy nostre Sire en son Chaste-
let de Paris, sous-signez, se sont transportez en ladite Maison de
Sorbonne, où estans lesdits Sieurs de Roux & de Saint Amour
ont dit & déclaré qu'ils les ont mandez afin de leur déliurer acte de
ce qui s'est passé en l'Assemblée ordinaire de la Faculté de Theo-
logie: C'EST à sçauoir que les Doyen, Syndic & autres Do-
cteurs Seculiers & Reguliers estans entrez au lieu accoustumé de
tenir l'Assemblée, les Arrests de la Cour de Parlement des vingt.

K

Paris

1648.

2
quatrième Juillet & premier Aoust mil six cens vingt-six, & du vnziesme iour d'Aoust dernier passé, rendus sur le Reglement du nombre tant des Religieux Docteurs qui peuvent assister & auoir voix deliberatiue és Assemblées de ladite Faculté que des Bacheliers aussi Religieux des quatre Ordres Mendians qui peuvent estre receus en chacune Licence, auroient esté par Maistre Louis de Riancourt, Huissier en ladite Cour, leu de mot après autre, & deüement signifiez aux Doyen, Syndic & Docteurs de ladite Faculté; & auroit fait ausdits Doyen & Syndic les injonctions portées par lesdits Arrests, de tenir la main à l'exécution d'iceux; & en ce faisant de réduire presentement lesdits Docteurs Reguliers au nombre de deux pour chacun Conuent des Mendians; & d'enjoindre aux supernuméraires, qui estoient en ladite Assemblée, de se retirer. Ce fait, & apres que ledit Huissier se seroit retiré, lecture auroit esté faite, en la maniere accoustumée, de la conclusion du premier jour dudit mois d'Aoust dernier passé; laquelle lecture faite, ledit Sieur de Roux auroit prié & requis & neantmoins sommé & interpellé lesdits Sieurs à present Doyen & Syndic, de mettre lesdits Arrests à execution, quant au nombre des Religieux Mendians vocaux, & de sommer lesdits Religieux presens de choisir d'entr'eux & députer deux de chacun Conuent pour rester & auoir voix deliberatiue en ladite Assemblée. Requerant acte desdites prieres & sommations, & que lesdits Arrests soient enregistrez au Liure de ladite Faculté. Le Pere Frere Hiacinthe Charpentier, Prieur des Iacobins, auroit dit qu'il empeschoit lesdits Arrests d'estre enregistrez au Liure de ladite Faculté; & protestoit, tant pour luy que pour tous les Religieux des Ordres Mendians, de se pouruoir contre lesdits Arrests. Veu laquelle protestation & apres que ledit Frere Charpentier a esté sommé de faire apparoir de la Procuration speciale des autres Religieux Mendians, dont il se ventoit pour faire lesdits empeschemens & protestations, à quoy il n'a pû satisfaire. Maistre Nicolas Cornet Syndic, a requis ledit Sieur Doyen de mettre en déliberation l'empeschement & protestation faite par ledit Frere Charpentier. Mais au lieu de ce faire, les Religieux Mendians, presens avec quelques Docteurs Seculiers, se seroient leuez & auroient empesché la déliberation susdite & qu'aucunes autres propositions ayent pû estre faites, & aussi ladite deliberation, & se seroient lors retirez lesdits Sieurs

3

Doyen & Syndic & quelques Docteurs particuliers; & par ce moyen auroient rompu l'Assemblée & empesché l'exécution des Arrests. Pour éviter laquelle rupture, lesdits Sieurs de Roux & de Saint Amour, d'abondant auroient prié & requis, sommé & interpellé, lesdits Sieurs Doyen & Syndic de tenir la main à l'exécution desdits Arrests, & de ne se point retirer ny rompre l'Assemblée, autrement qu'ils les prenoient à partie, & protestoient de se pourvoir presentement & recourir à l'autorité de la Cour, esperant de la Justice d'icelle, comme il s'estoit fait és années six cens vingt-six & vingt-sept en cas pareil, qu'elle députeroit quelques-uns de Nosseigneurs de ladite Cour pour venir en l'Assemblée & pourvoir à l'exécution des Arrests, sommant lesdits Sieurs de Roux & de Saint Amour, lesdits Sieurs Doyen & Syndic de les attendre, (pour l'honneur & le respect deu à la Cour.) Nonobstant laquelle priere & sommation, se feroient lesdits Sieurs Doyen & Syndic retirez, & ainsi auroient derechef rompu ladite Assemblée: Ce que voyans lesdits Sieurs de Roux & de Saint Amour, & qu'il restoit grand nombre de Docteurs suffisans dans la Salle de l'Assemblée, auroient eu recours à l'autorité de ladite Cour; Et à cette fin venerables & scientifiques personnes Maistres Iean Bernard, Hierosme du Chesne, Gabriël Dabes, Docteurs de ladite Société de Sorbonne, & Maistre Iean Callaghan, aussi Docteur en ladite Faculté, se feroient transportez au Parquet de Messieurs les gens du Roy, auxquels ils auoient fait rapport de ce qui se passoit en ladite Assemblée, à ce qu'il leur pleust en informer la Cour pour y mettre par elle ordre selon sa prudence ordinaire. Mais à raison qu'il s'est trouué que les Chambres estoient assemblées, la Cour n'a pû en estre informée. Ce qu'ayant esté rapporté par lesdits quatre Docteurs, Nous Notaires susdits sous-signez, auons esté, comme dit est, mandez en ladite Maison & College de Sorbonne: en la court de laquelle estans arriuez, comme nous nous serions presentez à la Requête desdits Sieurs de Roux & de Saint Amour & de plusieurs autres Docteurs Seculiers, pour entrer en la Salle où estoient encores grand nombre de Docteurs, afin de dresser l'acte de nous requis, Nous en aurions esté empeschez & repoussez par aucuns Docteurs Reguliers desdits quatre Ordres mendiants, & par aucuns Seculiers, en telle sorte que nous n'aurions pû entrer en ladite Salle par la grande Porte d'icel-

4
le: & comme ledit Sieur de Saint Amour nous auroit conduits par vne autre petite court, qui conduit à vne autre Porte de ladite Salle, & voulans entrer dans vne allée voisine de ladite Salle, l'on nous auroit poussé & fermé vne porte avec telle violence qu'elle se seroit rompuë; derriere laquelle & sur le petit degré & allée par laquelle l'on va en la Salle susdite de l'Assemblée, Nous aurions trouué plusieurs Religieux Mendians de diuers Ordres avec vn Docteur Seculier à Nous inconnu, lesquels derechef nous ont repoussé & empesché l'entrée de ladite Salle: Pour lequel empeschement Nous auons esté contraints de nous retirer en vne Chambre de ladite Maison de Sorbonne où nous auons fait & dressé le present acte sur le requisitoire desdits Sieurs de Roux & de Saint Amour, ausquels Nous auons déliuré iceluy pour leur seruir & valoir en temps & lieu, ce que de raison. Ce fut fait, déclaré, passé, requis & octroyé en ladite Chambre de ladite Maison de Sorbonne où ledit Sieur de Saint Amour est demeurant, l'an mil six cens quarante huit, le premier jour de Septembre auant midy; & ont signé la minute des presentes, dont lesdits de Roux & de Saint Amour ont desiré estre gardé minute demeurée vers ledit Heruy l'un desdits Notaires sous-signez.

HERVY.

CARTIER.

L'on n'a point icy imprimé l'Arrest rendu le 3 du mesme mois de Septembre, à cause que ledit Arrest a déjà esté imprimé ailleurs, & outre cela, que le Procès verbal & la Requeste cy-aprés, donnent assez de connoissance du contenu en iceluy.

Procez verbal de l'Assemblée de la Faculté, du premier Octobre.

L'AN 1648. le 28 jour de Septembre, se sont adressez à moy, Iean Baptiste Casault, Huissier en la Cour de Parlement, dans la Salle du Palais, Maistres Raymond de Roux & Loüis de S. Amour, Docteurs en Theologie de la Maison & Société de Sorbonne, lesquels m'ont dit & remonstré, que par Arrest de Nostreigneurs de ladite Cour de Parlement du 3 du present mois, rendu à leur poursuite & sur la plainte d'autres Docteurs de ladite Faculté: Contre les Religieux Mendians Docteurs en ladite Faculté, pour l'inexecution des Arrests dereglemēt donnés entre ladite Fa-

5.
culté & lesdits Religieux Mendians, les vingt-quatre Iuillet & premier Aoust mil six cens vingt-six, touchant l'entrée desdits Religieux Docteurs aux Assemblées de ladite Faculté. *Il est ordonné que sur l'opposition* formée par Frere Yacinthe Charpentier, Docteur, Prieur des Iacobins, tant en son nom que de tous les autres Religieux Mendians Docteurs, dans l'Assemblée de ladite Faculté tenue en Sorbonne le premier jour dudit present mois, à l'execution desdits Arrests des vingt-quatre Iuillet & premier Aoust mil six cens vingt-six, & d'un autre donné en consequence l'unzième Aoust dernier; portans les deux premiers, que desdits Docteurs Religieux Mendians, il n'y en auroit que deux de chacune Maison qui eussent entrée & voix délibérative dans les Assemblées de ladite Faculté; & le dernier, que lesdits Arrests de mil six cens vingt-six seront executez, leus & publiez par chacun an le premier jour d'Octobre en ladite Assemblée de Sorbonne, avec injonction aux Doyen & Syndic de ladite Faculté, de tenir la main à ladite execution, à peine d'en répondre en leurs propres & priuez noms, *Les parties viendront plaider au lendemain de la S. Martin; cependant par prouision & sans prejudice des droits des parties, que lesdits Arrests seront executez:* Lequel Arrest lesdits Sieurs de Roux & de Saint Amour m'ont baillé & mis és mains, me requerans m'en vouloir charger & le signifier à leur Requeste, tant aux Doyen, sous-Doyen, Sindic & Greffier de ladite Faculté, qu'à Maistre Iacques Pereyret, Docteur d'icelle, nommé audit Arrest, tant pour luy que pour les autres Docteurs, pour lesquels il y a porté la parole, & aux Superieurs & Religieux des quatre Conuents & Monasteres de cette-dite Ville, à ce que chacun d'eux ait à y obeir; Et de me transporter Ieudy prochain premier jour d'Octobre, huit heures du matin, en ladite Maison de Sorbonne, pour d'abondant signifier ledit Arrest, tant aux Docteurs Seculiers que Reguliers qui se trouueront à l'Assemblée dudit jour, à ce qu'ils ayent pareillement à y obeir; Et en vertu dudit Arrest & de celui du vnzième Aoust dernier, sommer & interpellier le Doyen de ladite Faculté, ou celui qui presidera en ladite Assemblée, & le Syndic, de faire lire & publier en ladite Assemblée, par le Greffier d'icelle, lesdits Arrests des vingt-quatre Iuillet & premier Aoust mil six cens vingt-six, enregistrez dans les Registres de ladite Faculté le dix-septième jour dudit mois & an,

suivant l'arresté & conclusion d'icelle dudit jour, & iceux faire executer de poinct en poinct; Et à leur refus moy-mesme lire & publier lesdits Arrests qu'ils me mettront mesme entre les mains, & leur enjoindre ladite execution, sur les peines portées par ledit Arrest du vnzième Aoust dernier; Et en cas que dans ladite Assemblée il se trouue plus grand nombre de Religieux Docteurs que celuy porté par lesdits Arrests, leur enjoindre de se retirer & sortir de ladite Assemblée; Et de tout faire & dresser procez verbal pour leur seruir & valoir ce que de raison. Ce que ie leur ay accordé & promis faire.

ET le trentième & dernier jour dudit mois de Septembre mil six cens quarante-huit, à la Requeste desdits Sieurs de Roux & de Saint Amour, l'ay Huissier, sus nommé, signifié ledit Arrest du troisième dudit mois, & d'iceluy baillé coppies à Maistres Iean Mulot Doyen, Louïs Messier sous-Doyen, Nicolas Cornet Syndic, & Philippes Bouuot Greffier de ladite Faculté de Theologie, comme aussi audit Maistre Iacques Pereyret y dénommé, tant pour luy que pour les Docteurs Seculiers pour lesquels il y a porté la parole; & aux Religieux, Gardien, Prieurs & Conuens des Iacobins, Cordeliers, Augustins du grand Conuent & Carmes de cette ville de Paris, à ce qu'ils n'en puissent pretendre cause d'ignorance, ains y obeyr & aux autres Arrests y mentionnez, & particulièrement lesdits Sieurs Mulot & Messier, Doyen & sous-Doyen & Cornet Syndic, qu'ils ayent à les executer & faire executer, sur les peines portées par ledit Arrest du vnzième Aoust dernier, duquel j'ay séparément baillé coppie audit Sieur Messier sous-Doyen, pour l'indisposition dudit Sieur Mulot Doyen. Parlant pour ledit Sieur Mullot à vn sien seruiteur & depuis à sa personne, detenu en son liét malade en sa maison; comme aussi audits Sieurs Cornet Syndic, en sa chambre au College de Boncourt; Pereyret, en sa chambre au College de Nauarre; & Bouuot en sa maison; pour ledit Sieur Messier, à Claude Anthoine portier de la Maison de Sorbonne où il est demeurant; pour lesdits Religieux Iacobins, au Frere portier nommé Louïs, qui m'a refusé dire son sur-nom de ce interpellé; pour lesdits Religieux Cordeliers, à Frere Pierre Gonneau Procureur; pour lesdits Religieux Augustins, au Pere Anthoine Riuere Docteur; & pour

7

lesdits Religieux Carmes, au Frere portier, qui ne m'a voulu dire son nom, de ce interpellé, en leurs Maisons & Conuens. Et est icy signé, CASAVLT.

ET le Ieudy premier jour d'Octobre mil six cens quarante-huict, environ les huit heures du matin, ie Huissier sus nommé, suiuant le requisitoire desdits Sieurs de Roux & de S. Amour, me suis transporté en la Maison de Sorbonne, où estant, j'ay prié & requis le portier d'icelle de me dire en quel lieu de ladite Maison les Docteurs de la Faculté ont accoustumé de s'assembler, lequel m'a dit que c'estoit en vne moyenne Salle qu'il m'a montrée, estant au bout de la grand' Salle de ladite Maison; A laquelle moyenne Salle m'estant acheminé & appris du Bedeau qui gardoit la porte d'icelle (de ce par moy pareillement prié & requis) que ledit Maistre Louïs Messier, sous-Doyen, presidoit en l'Assemblée qui y estoit, pour l'indisposition du Doyen de ladite Faculté: l'ay fait dire audit Sieur Messier, par aucuns desdits Docteurs entrans dans ladite Salle & Assemblée, qui j'estois, & que ie desirois parler à luy dans ladite Assemblée, & au sujet d'icelle: lequel ayant trouué bon & permis que j'y entrasse, j'ay esté mené & conduit par aucuns desdits Docteurs par derriere les bancs estans en ladite Salle du costé droit estant enicelle, jusqu'aupres du Bureau du Greffier, placé deuant la cheminée au bout du banc sur lequel estoit assis ledit Sieur Messier & à son costé gauche: (lieu accoustumé, à ce qu'on m'a dit, à faire actes de justice en ladite Assemblée) Auquel Sieur Messier, en la presence des Docteurs de ladite Faculté assemblez au nombre de cent ou environ, entre lesquels estoient plusieurs Docteurs Religieux des quatre Ordres Mendians de cette Ville, Ayant derechef dit qui j'estois & le sujet pour lequel j'estois venu en ladite Assemblée, l'un desdits Docteurs nommé Maistre Claude Morel (ainsi que j'ay appris) s'est leué, & sans me permettre d'acheuer ce que j'auois à dire audit Sieur Messier, ny à luy de me répondre, m'a dit que ie n'auois pas deu entrer dans ladite Assemblée sans en auoir au préalable donné aduis & demandé la permission: Auquel ayant répondu que ie l'auois fait, & que ladite permission m'auoit esté octroyée par ledit Sieur Messier, plusieurs autres Docteurs se sont leuez, & entr'autres ledit Maistre Jacques Pereyret, Maistre Jean Coqueret, Mai-

*Ceux qui se
sont trouuez
obligez de fai-
re imprimer ces
pieces, eussent
souhaité de
tout leur cœur,
qu'on n'y eust
point veu pa-
roistre les noms
des Particu-
liers qui y sont
nommez; mais
estans des actes
de justice, ils
n'ont pas pu en
rien retrâcher
ny supprimer.*

stre Edmond Amiot & Maistre Jacques Charton, qui m'ont dit la
 mesme chose que ledit Morel; & de plus que ie me retirasse, du
 moins jusqu'à ce que la conclusion de l'Assemblée du mois passé,
 que le Greffier lisoit quand ie suis entré, fut paracheuée. Surquoy
 ie leur ay pareillement répondu, que j'ay esté introduit dans ladi-
 te Assemblée apres ladite permission octroyée: A quoy ledit Sieur
 de Saint Amour a adjousté, que l'Arrest du vingt-sixième May
 obtenu à sa Requête auoit esté signifié & leu par vn Huissier de la
 Cour en plaine Assemblée, le troisième Iuin; & celuy du vnziesme
 Aoust dans l'Assemblée du premier Septembre dernier, sans
 qu'aucun y eust trouué à redire: surquoy ledit Charton luy a re-
 party, nous ne le deuions pas souffrir, si nous auons fait vne faute,
 il ne faut pas continuer & en commettre vne seconde? Ce que
 voyant, pour éuiter plus grande contestation, & pour ne point
 interrompre la lecture de ladite conclusion, ie me suis retiré &
 fortly de ladite Salle, dans laquelle quelque temps apres j'ay esté
 appelé par plusieurs Docteurs, où estant rentré & repassé en la
 mesme place qu'auparauant, auprès du Greffier, ie me suis dere-
 chef adressé audit Sieur Messier, auquel en la presence de tous les-
 dits Docteurs, tant Seculiers que Reguliers, ayant succinctement
 repeté & dit le sujet pour lequel j'estois venu en ladite Assem-
 blée, Je luy ay déclaré qu'en vertu desdits Arrests des vnziesme
 Aoust & troisième Septembre derniers, à luy signifiez le jour
 d'hier, & à la Requête desdits Sieurs de Roux & de Saint Amour,
 Docteurs, impetrans d'iceux, ie le sommois & interpellois de par
 le Roy & la Cour, comme tenant & occupant la place du Doyen
 de ladite Faculté & présidant en ladite Assemblée, de faire presen-
 tement lire & publier dans ladite Assemblée, par le Greffier d'icel-
 le, lesdits Arrests des vingt-quatrième Iuillet & premier Aoust mil
 six cens vingt-six, & iceux faire executer, conformément audit
 Arrest du vnziesme Aoust, & sur les peines portées par iceluy;
 sinon & à faute de ce faire, que j'estois requis d'en faire la lecture
 & les injonctions necessaires, d'y obeyr à qui il appartiendroit:
 Lequel Sieur Messier obtemperant librement à ladite sommation,
 ayant aussi-tost commandé audit Maistre Philippes Bouuot Gref-
 fier, de faire lecture desdits Arrests, plusieurs desdits Docteurs, &
 nommément lesdits Pereyret, Coqueret, Charton, Amyot, vn
 Religieux Benedictin nommé Bedassier & autres à moy inconnus,

ont

ont dit qu'ils l'empeschoient qu'au préalable ie ne me fusse retiré & qu'ils n'eussent délibéré sur le dernier desdits Arrests. Ce qui a excité vn grand bruit & confusion de voix dans ladite Assemblée; disans, la plus-part, que ie n'auois pas le pouuoir de ce faire; & se sont portez jusqu'à cet excez de mépris & de desobeissance ausdits Arrests, que plusieurs sont sortis de leurs places & venus à moy pour m'empescher de faire lecture d'iceux, comme j'estois requis en cas que ledit Bouuot Greffier, refusast ou fust empesché de ce faire, & particulièrement lesdits Pereyret, Amiot, & Coqueret; lequel Coqueret non content de ce, m'a encore demandé si j'auois vne Commission & pouuoir particulier de la Cour de ce faire, veu que par le dernier desdits Arrests, il n'est pas dit qu'il sera leu & publié en ladite Assemblée. Auquel, & aux autres venus près de moy, ayant répondu que les Arrests dont j'estois porteur, contenoient ma Commission; qu'estant requis de les faire executer, ie le pouuois & deuois & y estois obligé par le deuoir de ma Charge: Et qu'encores que par ledit dernier Arrest il ne fut pas dit qu'il seroit leu & publié en ladite Assemblée, cela neantmoins estoit sous-entendu, estant confirmatif des precedens, & specialement de celui du vnzième Aoust, qui porte en termes exprez, que lesdits Arrests de reglement seront leus & publiez par chacun an à pareil jour qu'aujourd'huy, en ladite Assemblée: & consequemment que ie pouuois, outre la signification dudit dernier Arrest que ie leur faisois & à tous les autres Docteurs presens en Corps, faire lecture & publication d'iceluy & de tous les autres Arrests (en estant comme j'estois requis) au cas toutefois que ledit Bouuot Greffier fust empesché de la faire; & que de ce j'estois fondé sur l'exemple de semblables lectures faites des precedens Arrests, & particulièrement de celui du vnzième Aoust, qui auoit esté leu & publié en pareille Assemblée tenue le premier jour de Septembre dernier, par vn de mes Compagnons d'Office. Lesdits Coqueret, Pereyret, Morel & plusieurs autres, m'ont répliqué, qu'ils ne souffriront point ladite lecture, que ie me dois contenter de la signification que ie leur ay faite dudit dernier Arrest, & me retirer, d'autant qu'ils veulent deliberer sur ledit dernier Arrest; avec lesquels ledit Maistre Nicolas Cornet, Syndic de la Faculté, a adheré: & au lieu de requérir la lecture & execution desdits Arrests (dont ie l'ay pareillement sommé & interpellé) ainsi que la Charge l'oblige &

qu'il luy est enjoint par ledit Arrest du vñzième Aoust, a en ma
 presence requis que ladite Assemblée déliberast sur l'exécution
 dudit Arrest du troisième Septembre. Surquoy, & après luy auoir
 & à toute ladite Assemblée, remonstré qu'il n'y auoit point de dé-
 liberation à faire sur l'exécution dudit Arrest, qui n'est que confir-
 matif des precedens, ausquels ils doiuent obeir avec honneur &
 respect & les executer ponctuellement; que telle délibération se-
 roit non seulement vne désobeissance injurieuse ausdits Arrests,
 mais encore vn attentat & mépris manifeste à l'autorité de la
 Cour, dont ie protestois de dresser procez verbal: I'ay esté con-
 traint par leurs resistance, tumulte, confusion de voix & batte-
 mens de mains excitez tant par lesdits Docteurs Mendians qu'au-
 cuns Seculiers leurs adherans, de sortir de ladite Salle & Assem-
 blée sans faire autre chose que la signification dudit Arrest du troi-
 sième Septembre, duquel ie leur ay baillé & laissé coppie, & à eux
 enjoint d'y obeyr & à tous les autres Arrests precedens, sur les
 peines portées par iceux: Et notamment aux Docteurs Religieux
 supernuméraires de sortir de ladite Assemblée. Et me suis retiré dās
 la grande Salle de ladite Maison de Sorbonne (où ie suis demeuré
 à la priere & requisition desdits Sieurs de Roux & de Saint Amour,
 & là attendu l'éuénement & issüe de ladite Assemblée) jusqu'à
 prés de midy, que ledit Sieur de Saint Amour m'y est venu trou-
 uer, & m'a dit que peu apres que j'ay esté forty, & le bruit excité
 appaisé, ledit Maistre Louïs Messier sous-Doyen & président de
 l'Assemblée, auoit avec vne grande vigueur & fermeté de coura-
 ge, fait beaucoup d'instances & de remonstrances pour l'execu-
 tion desdits Arrests; Disant, que les Religieux Mendians qui
 estoient en l'Assemblée plus de deux de chaque Conuent, eussent
 à en sortir, & que s'il y auoit quelqu'un qui y trouuast à redire, il
 y auoit du temps pour déduire ses raisons à la Cour, au premier
 jour que l'on plaideroit après la saint Martin. Dequoy neant-
 moins lesdits Docteurs Mendians & plusieurs autres Docteurs Se-
 culiers portez pour eux, n'ont tenu compte: Au contraire, sur ce
 que ledit Sieur Messier auoit reparty qu'ils pensassent à eux, &
 prissent garde à ce qu'ils vouloient faire, ont pris occasion de dé-
 liberer s'ils deuoient obeyr ausdits Arrests, traittans ce poinct
 comme vne question disputable de part & d'autre. Et pour favori-
 ser le dessein qu'ils auoient de tenir la negatiue, ont aussi fait signi-

fier à ladite Assemblée, par vn Sergent du Chastelet, des Arrests d'éuocations du Conseil des dix-huict Iuillet & deuxieme No- uembre mil six cens vingt-six; desquels luy de Saint Amour leur auroit à l'instant remonstré & fait voir plusieurs defectuositez & nullitez: nonobstant lesquelles ils n'ont pas laissé de passer outre, & de faire & dire plusieurs choses contre leur deuoir & l'hon- neur qu'ils doiuent à la Cour, dont il a publiquement protesté de luy en faire plainte & presenter sa Requête en temps & lieu. Qu'au reste, il n'y auoit pas encore beaucoup desdits Docteurs qui eussent parlé sur cette difficulté nouvelle & conflit de jurisdic- tion suruenu & suscité à dessein & de propos délibéré pas lesdits Religieux Mendians & leurs adherans; & que si j'attendois jus- qu'à la fin de l'Assemblée j'attendrois long-temps, & peut estre inutilement, selon les apparences; puis que nonobstant les in- stances & injonctions reïterées dudit sieur Messier sous-Doyen, les raisons que quelques-vns des anciens Docteurs auoient repre- sentées avec zele pour l'obeïssance aux Arrests de la Cour, & les éclaircissemens solides & conuaincans à l'égard desdits Mendians & leurs adherans, & mesme selon leurs principes, que luy de S. Amour en auoit faits en ladite Assemblée: Lesdits Mendians & tous ceux de leur intelligence & attachez à leurs interests, qui auoient parlé & opiné jusqu'à ladite heure, auoient témoigné nettement qu'ils n'entendoient & ne vouloient point obeyr aux Arrests de la Cour, ains au contraire, s'aider & préualoir desdites éuocations pretenduës: Au moyen dequoy ie me suis retiré, & de ce & de tout ce que dessus fait mon procez verbal, pour seruir & valoir ausdits Sieurs de Roux & de Saint Amour, en temps & lieu, ce que de raison. *Signé,* CASAVLT.



La Cour eust esté suppliée, dés le jour de cette As- semblée-là, de pouruoir sur le champ à ce qui est con- tenu dans ce dernier procez verbal, si l'on n'eust esté empesché de recourir à elle par la consideration des af- faires qui l'occupoient alors, & si l'on n'eût apprehen-

dé de partager les pensées qu'elle donnoit aux necessitez publiques, pour des choses qui bien que fort importantes n'estoient pas neantmoins si pressées, que le le temps y pût apporter vn préjudice notable. En effet, ce retardement ne fut pas de longue durée, car la Declaration du Roy, du vingt-quatrième Octobre dernier, apporta vne fin heureuse à ces Assemblées si vtils qui se faisoient tous les jours à Saint Germain & à Paris: Et il sembloit qu'elle deût aussi mettre vne tranquillité pareille dans les differends suruenus entre les Docteurs en Theologie. Mais ceux qui n'auoient pas esté retenus par le premier Article d'une Declaration précédente, Verifiée en Parlement le trente & vn Iuillet dernier, sa Majesté y seant en son liect de Iustice, qui corrige les abus des éuocations; ne considérerent pas dauantage le quatorzième Article de celle cy, qui confirme & explique le premier de celle-là d'une façon si peremptoire: Et ceux qui auoient agy jusques-là dans cette affaire, estans bien informez (comme l'éuénement l'a monstre depuis) des intentions & de la disposition de leurs parties, ils continuierent leurs mesmes soins, & presenterent à la Cour cette Requête.

Requête présentée par Maistres Raymond de Roux & Louïs de Saint Amour, à Nosseigneurs des Vacations.

A NOSSEIGNEURS DES VACATIONS.

S V P P L I E N T humblement Raymond de Roux & Louïs de Saint Amour, Docteurs de la Faculté de Theologie de la Maison & Societé de Sorbonne; disans, Qu'en suite de l'Arrest rendu le troisième Septembre dernier, par lequel il auoit esté ordonné que les parties auroient Audience au

premier jour aprez la saint Martin, sur l'opposition formée tant par les Docteurs Mendians, que par Maistre Iacques Pereyret grand Maistre du College de Navarre, & plusieurs autres Docteurs Seculiers qui l'accompagnoient, à l'execution de l'Arrest du vnzième Aoust dernier, confirmatif des Arrests des vingt-quatre Iuillet & premier Aoust mil six cens vingt-six, portans que de chaque Conuent desdits Mendians, il ne se pourroit trouuer que deux Docteurs aux Assemblées de la Faculté; & que cependant lesdits Arrests seroient executez: Ils auoient fait signifier ledit Arrest du trois Septembre dernier, ausdits Mendians, au Syndic de la Faculté, au Greffier, au sous-Doyen qui deuoit presider à l'Assemblée du premier Octobre suivant, à cause de la maladie du Doyen, & audit Maistre Iacques Pereyret, pour luy & pour tous les Docteurs Seculiers aussi opposans; A ce que dans l'Assemblée du premier Octobre ils eussent à obeyr ausdits Arrests, & à ne s'y trouuer que deux de chacun desdits Conuents: lequel Arrest des trois Septembre dernier, les Supplians auroient pareillement voulu faire signifier & lire à la Faculté assemblée en Sorbonne, ledit jour premier Octobre par l'Huissier Casault, ainsi qu'ils l'auoient pratiqué dans les Assemblées du troisième Iuin & premier Septembre derniers, pour les autres Arrests par eux obtenus. Mais comme ledit Casault fut entré dans l'Assemblée pour faire la signification & lecture dudit Arrest du troisième Septembre, qu'il auoit en main & dont il estoit porteur, lesdits Mendians & quelques Docteurs Seculiers empescherent ladite signification & firent sortir ledit Casault de l'Assemblée, jusqu'à tant, disoient-ils, que la conclusion du précédent mois fut releüe entierement. Et comme après la lecture d'icelle conclusion acheuée, ledit Casault seroit de-rechef rentré pour signifier & lire ledit Arrest, il auroit demandé au sous-Doyen, s'il agréoit, qu'il en fist la lecture en la maniere accoustumée. Ledit sous-Doyen témoigna l'auoir fort agréable; mais à l'instant se seroient leuez plusieurs Docteurs Seculiers qui l'auroient empesché de ce faire, & fait sortir de l'Assemblée: nonobstant quoy les Supplians ne laisserent pas de demander audit sous-Doyen, que suivant ledit Arrest du troisième Septembre & autre qui luy auoient esté signifiez la veille, il eust à faire lire par le Greffier les Arrests des vingt-quatre Iuil-

let & premier Aoust mil six cens vingt six, ainsi qu'il auoit esté ordonné par celui du vnziesme Aoust dernier, qu'ils le seroient tous les ans au premier jour d'Octobre. Ledit sous-Doyen l'auroit à l'instant enjoint audit Greffier, lequel se seroit mis en deuoir de ce faire: & de fait, l'auroit entierement leu, nonobstant quelques Docteurs qui faisoient bruit pour l'en empescher. Laquelle lecture estant finie, ledit sous-Doyen auroit à l'instant dit qu'il estimoit que chacun estoit disposé à executer lesdits Arrests; que s'il y en auoit quelques-uns qui eussent quelque chose à dire contre, ils le pourroient faire apres la saint Martin; mais que cependant les Docteurs Mendians qui estoient presens à cette Assemblée, par-dessus le nombre de deux de chaque Conuent, eussent à en sortir presentement. Mais au lieu d'obeyr par lesdits Mendians tant aux susdits Arrests qu'aux sermons du sous-Doyen, afin de pallier leur rebellion de quelque sorte de pretexte, ils faisoient au mesme instant signifier par un Huisier du Chastelet à la Faculté & aux Supplians en particulier, les Arrests d'éuocations du Conseil du dix huit Iuillet & deuxiesme Novembre mil six cens vingt-six, nonobstant les defectuositez d'iceux, & qu'ils ayent esté cassez & annullez, tant par d'autres Arrests du mesme Conseil posterieurs & plus authentiques, que par ceux de ladite Cour; & ils firent tant par leur opiniastrété & crieries & de leurs Partisans, que lesdits Arrests d'éuocations ayans esté leus, chacun dit son aduis, comme s'il y eût eu lieu de délibérer ausquels on obeyroit; & sur ce, introduisirent mal à propos vne contestation & diuision entre le Roy & la Cour; ils considererent les choses comme si c'eust esté se rendre rebelle aux commandemens & volontez expresses du Roy que de se soumettre aux Arrests de ladite Cour; ils parlerent d'iceux comme d'Arrests frauduleusement rendus, comme de choses de nulle force & vertu, comme d'entreprises dont le Parlement n'auoit point le pouuoir; & s'estans réduits avec affectation aux termes d'estre obligez de se rendre rebelles au Roy, s'ils déferoient aux Arrests du Parlement, ils dirent & conclurent hautement & nettement qu'ils vouloient obeyr ausdits Arrests du Conseil & venir aux Assemblées avec la mesme liberté qu'ils auoient accoustumé. Maistre Iacques Hennequin, qui estoit le second opinant, remonstra à l'Assemblée qu'il n'estimoit pas que personne peût ny osast

douter s'il falloit executer lesdits Arrests de la Cour; que quand bien lesdits Mendians auroient eu quelque droit à pretendre desdits Arrests d'éuocations (ce qu'ils n'examineroient pas pour l'heure) ils l'auoient perdu, puis qu'ils auoient comparu au Parlement & l'auoient reconnu pour Iuge; qu'ils ne pouuoient pas faire distinction des choses ordonnées par le dernier Arrest, qu'il falloit les executer toutes, & qu'ils ne pouuoient pas jouir de la grace qui leur auoit esté accordée, d'estre receus opposans à l'execution dudit Arrest & venir déduire après la saint Martin leurs causes d'opposition; qu'ils ne pouuoient (dis-je) jouir de cette grace s'ils ne satisfaisoient aussi à la condition à laquelle elle leur auoit esté faite, sçauoir, d'executer cependant les Arrests auxquels ils auoient esté receus opposans. Maistre Elie du Fresne de Minssé, Maistre Iean Rousse, Maistre Hierosme Bachelier, & plusieurs autres, demanderent acte de l'entreprise qui se faisoit contre l'autorité de la Cour, protesterent de nullité de tout ce qui se passeroit au préjudice de ses Arrests, & proposerent plusieurs raisons pour appuyer leurs remonstrances & procurer l'execution desdits Arrests. Aussi Maistre Louïs de Saint Amour, l'un des Supplians, pour ôster toute sorte de scrupule à ceux qui auroient la moindre preparation à rendre à la Cour l'obeyssance qu'ils luy doiuent, & charger de confusion ceux qui couuroient leur entreprise de ce pretexte si grossier & imaginaire, Il remonstra en plaine Assemblée que ces Arrests du Conseil auoient esté annullez par un autre Arrest du Conseil posterieur ausdites éuocations, confirmatif de tous les Priuileges de l'Vniuersité, dont l'un des principaux est, que les negoces & differends qui la regardent & ses Supposts, soient terminez par la Cour, comme s'ils l'estoient par sa Majesté mesme; lequel Arrest auoit esté rendu le huitième Iuillet mil six cens trente-un, sur une Requeste présentée au Roy par le Recteur de l'Vniuersité, ses Facultez & Supposts; dans laquelle l'Vniuersité remonstroit au Roy les defectuositez & surprises signalées de ces Arrests d'éuocations, & les mauuais effets qui les auoient suivis, au préjudice de l'autorité Royale de sa personne sacrée. Que cet Arrest du huitième Iuillet six cens trente-un, n'auoit pas esté rendu clandestinement & par suppositions fausses, comme ces éuocations; Quela Requeste sur laquelle il auoit esté rendu, auoit esté pre-

sentée au feu Roy d'heureuse memoire en personne; Que le Recteur l'auoit entretenu trois quarts d'heure avec satisfaction & grande attention de sa Majesté sur l'importance de cette Requête; Que le Roy l'auoit prise en suite des mains du Recteur, & qu'après sa Majesté l'auoit fait rapporter en sa presence en son Conseil, où estoit interuenu ledit Arrest. Mais lesdits Mendians & leurs adherans ne voulurent point souffrir la lecture de cette Requête; ils souffrirent bien celle de l'Arrest, mais ils s'en moquerent, & poursuivirent toujours dans leur opiniastreté. Ce que voyans plusieurs Docteurs & qu'on auoit à faire à des gens entièrement résolus de n'entendre aucune raison contraire à leurs prétensions frivoles & audacieuses, ils sortirent de l'Assemblée; D'autres demeurèrent pour leur resister, mais ceux qui estoient dans ce dessein ne se trouuerent qu'un nombre de trente ou trente-deux: & quoy qu'ils fissent tout ce qu'ils peussent conjointement avec Maistre Louïs Mesnier, qui présidoit à l'Assemblée, ils ne peurent neantmoins empescher que lesdits Mendians, qui eux seuls y estoient & y opinèrent au nombre de vingt-trois ou vingt-quatre, avec quarante Seculiers ou environ qui auoient épousé leur party, dirent tous qu'il ne falloit point executer lesdits Arrests de la Cour, mais se tenir à ces éuocations, defectueuses & annullées d'elles-mesmes par les maximes de Droit, par les Ordonnances & par tant d'Arrests, soit du mesme Conseil, soit du Parlement. Maistre Jacques Cornet, Syndic de la Faculté, fut de cet aduis, bien qu'il eust esté expressément chargé par la Cour de tenir la main à l'execution de ses Arrests, à peine d'en répondre en son propre & priué nom; ce qui est une circonstance que les Supplians ne peuuent taire à la Cour. Les mesmes Docteurs qui furent de cet aduis, vouloient le faire passer comme si c'eust esté une conclusion Iuridique de toute la Faculté: mais plusieurs s'y opposerent & requirerent que le Greffier gardast le plumetif où estoit écrit de quel aduis auoit esté un chacun de ceux qui auoient opiné dans la Faculté, afin que l'on y peust auoir recours en temps & lieu, & que les innocens ne fussent pas en danger d'estre punis comme coupables: lequel plumetif ledit Greffier promît de garder jusqu'à l'Assemblée prochaine: Mais parce qu'elle se doit faire le quatrième jour de Nouembre prochain, & qu'il est à craindre que

Maistr

Maistre Nicolas Cornet Syndic, dont une des fonctions est d'avoir l'œil & la main à dresser les conclusions, n'en fist une de cette Assemblée honteuse à la Faculté, & peu conforme à la vérité; que le plumetif ne sorte des mains du Greffier, & qu'estant égaré il ne soit pas si facile de discerner les aduis des uns & des autres, & que l'exposé en cette Requête ne perdît cette sorte de preuue; Enfin que lesdits Mendians qui sont glorieux & enflés de joye par le succez des brigues, allées & venues qu'ils auoient faites pour cette fin (au lieu qu'ils deuroient en estre tristes ayant fait une injure de cette importance à l'autorité de la Cour) ne vinssent encores à ladite Assemblée en plus grand nombre que de deux de chaque Conuent (qui est celuy qui leur est prescript par vos Arrests) pour y perseuerer dans leur opiniastrété & entreprises injustes; Les Supplians s'adressent à la Cour pour y pouruoir par sa bonté & prudence accoustumée. CE CONSIDERE', NOSSEIGNEURS, & attendu qu'il est important d'empescher que les Religieux Mendians & autres Docteurs à eux adherans, ne viennent en foule à l'Assemblée de la Faculté qui se tiendra en Sorbonne le quatrième Nouembre, & n'entreprennent d'y faire relire ce qui se fit le premier jour du present mois, pour en faire en suite passer & publier sous le nom de la Faculté une conclusion qui seroit de tres-dangereux & scandaleux exemple, & de tres-pernicieuse consequence contre les interêts du Roy & du Public, contre l'honneur deu à la Iustice & la reuerence aussi due aux Arrests & autorité de la Cour, & mesme au tres-grand préjudice de ladite Faculté, IL vous plaise, sans s'arrester ny auoir égard à tout ce qui s'est passé en ladite Faculté le premier jour de ce mois, veu les Arrests, proces verbaux & pieces y attachees, ORDONNER que lesdits Arrests seront executez; & à cette fin commettre deux Conseillers de la Cour, qui se transporteront dans l'Assemblée de ladite Faculté, qui se tiendra en Sorbonne le quatrième Nouembre prochain, ainsi qu'il fut fait en l'année mil six cens vingt-six, pour faire executer lesdits Arrests de mil six cens vingt-six, & informer des contrauentions qui y ont esté faites en l'Assemblée du premier Octobre dernier, pour estre sur le tout par la Cour fait droit, ainsi qu'elle aduîsera; Et vous ferez bien.

Cette Requête ayant esté présentée à Nosseigneurs de la Chambre des Vacations, il y fut rendu Arrest le vingt-sept Octobre, par lequel il fut ordonné que lesdits Arrests seroient executez; & que pour ce faire Messieurs de Broussel & Viole se transporteroient en l'Assemblée de la Faculté de Theologie qui se deuoit tenir en Sorbonne le quatrième Nouembre suiuant; & que tout ce qui seroit par eux ordonné seroit executé, nonobstant oppositions ou appellations & sans préjudice d'icelles.

Le quatrième Nouembre, mesdits Sieurs de Broussel & Viole se rendirent en Sorbonne à huit heures du matin & quasi aussi-tost que les Docteurs en Theologie eurent pris leur séance en leur Assemblée. Mesdits Sieurs estoient accompagnez de M. Beschefer premier des Substituts de Monsieur le Procureur General, de M. Boisleau Greffier de ladite Cour, & de quelques Huissiers d'icelle. Lesquels estans entrez & placez dans l'Assemblée, Monsieur de Broussel prit la parole, & dit le sujet de leur venue: Il fit lire par M. Boisleau tant ledit Arrest du vingt-sept Octobre dernier, que ceux du vingt-quatre Juillet & premier Octobre six cens vingt-six; & ceux aussi du vnième Aoust & troisième Septembre derniers. Il y remonstra avec vn discours plein de douceur & de gravité, l'obligation estroite qu'un chacun auoit d'exécuter lesdits Arrests; il pressa autant qu'il se peût les Docteurs Mendians qui y estoient plus de deux de chaque Conuent, d'y obeir & se retirer de l'Assemblée, les asseurant que leur obeïssance ne rendroit pas au fonds leur cause moins favorable; & que s'ils faisoient bien, ils ne seroient pas en ce rencontre refractaires à l'autorité du Roy, qui estoit entre les mains de la Cour & sous laquelle elle agissoit,

n'en ayant aucune qui ne vint de sa Majesté, & en vertu de laquelle ladite Cour auoit rendu ces Arrests; & luy de sa part & par son ordre leur faisoit ces semonces & injonctions. Mais toutes ses remonstrances ne firent aucune impression sur l'esprit des Docteurs Mendians & de quelques autres qui portent leurs interets; & non seulement ils n'y obeïrent pas, mais encore ils dirent des choses que l'on n'eust pas deu attendre de personnes de leur qualité; & le recit exact desquelles on n'entreprendra pas jusqu'à ce que la Cour en aye esté informée.

On adjoûtera seulement, que lors qu'on leût le contenu en la Requête cy-dessus, dans le veu de l'Arrest qui auoit esté rendu sur icelle, quelques vns de ceux qui auoient le plus de part aux choses qui y estoient exposées, se plainquirent qu'elle estoit plaine de faussetez & d'injures: mais ceux qui l'auoient présentée, la soustinrent hautement comme ne contenant rien qui ne fût *tres-veritable*: Aussi aucun des autres n'osa entreprendre de se déclarer & porter partie contr'eux, mais au contraire plusieurs recommencerent, en la présence de leurs Iuges, des choses semblables à celles, qu'ils nioient auoir faites en leur absence; Et par leurs propres paroles & actions se conuainquirent ainsi eux-mesmes, de ce dont ils se plaignoient d'auoir esté accusez.

